

醫

說

七



醫說卷第六

臟腑泄痢

當暑勿食生冷

當盛暑時。食飲加意調節。緣伏陰在內。腐化稍遲。又果蔬園蔬多。將生噉蘇水。桂漿唯欲冷飲。生冷相值。剋化尤難。微傷即殄。泄重傷則霍亂吐利。是以暑月食物尤要節減。使脾胃易於磨化。戒忌生冷。免有腹臟之疾。雖盛夏冒暑難為全斷。飲冷但刻意少飲。勿與生硬果菜油膩甜食相犯。亦不至生病也。

辯臟腑下利

病水洩青白或黃白或米穀不化。腸鳴腹痛者。此傷冷也。為洞泄。寒中又為霍亂吐瀉。其脉細弱而緊。宜理中丸。平胃散。調中湯。以溫補之。盛則金液丹。朝真丹。主之。或藥入則吐出者。內陰盛也。用湯者。當以冷服用。元者。以地漿服。熱因寒用之法也。

病水泄下深黃。及有完穀。小便赤。腹脇但脹滿。



而不痛煩躁悶亂渴而喜飲者此傷熱也為挾  
熱下利其脉洪大而數宜駐車元參連散藥皮  
湯以和之甚則三黃元調胃承氣湯挾熱下血  
者藥皮湯主之

病洩瀉色黃而有沫腸鳴腹脇脹滿時微作痛  
者為冷熱不調其脉沉緊而小數也服熱藥則  
轉甚戊己元香連元主之下部注悶裏急後重  
者必欲變膿血利之則愈

病暴泄注下或青白或黃白米穀或化或不化

脾胃元書六

二

陰

腹脇或脹或不脹或痛或不痛但噫生熟氣全  
不思食因與溫補諸藥而後轉有異證者有所  
傷也此為飧泄其脉外虛而內實關脉沉且緊  
也宜消積元不二元以化之甚則用備急元主

之右不二元用砒末不可多服曾見醫用有害

又春傷以風夏必飧泄又風氣行於腸胃則暴  
泄下利其脉浮緩而虛也並宜服羗活安中湯  
胃風湯荆黃湯訶梨散主之

病赤白下利或膿多血少或膿少血多皆為有

積或先挾熱。泄瀉更服溫藥。因變膿血。下利關  
脉沉緊。按之有力。而小疾也。並宜先與消化積  
滯。才微利。過即以香連元。駐車元。戊己元。便愈。  
化積滯。用消積元。不二元。感應元。淹延惡。利用  
朱粉丹。主之。集驗方

### 治赤白痢

有人父患痢。赤白兼下。或純白。或純赤。百藥不  
愈者。病久服藥已多。治痢多用毒藥。攻擊得臟  
氣不和。所以難愈。史載之用輕清和氣藥。與之

遂愈。後來屢有驗。其方用罌粟殼蜜炙。人參白  
朮。白茯苓。川芎。甘草。炙黃芪。等分。為細末。二錢  
水一盞。生薑棗烏梅半箇。煎八分。溫服。不以時

### 父患泄瀉

有人父患泄瀉。以煖藥補脾。及分利小水。百種  
治之不愈。醫診之心脉獨弱。以益心氣藥補脾。  
藥服之。遂愈。蓋心火也。脾土也。火生土。脾之旺  
賴火之燥。心氣不足。則火不燥。脾土受濕。故今  
泄瀉。今益心補脾。而又能去濕。豈有不效者。

又有一種泄瀉作冷作積作心氣不足治之及服硫黃附子甚多皆不效因服火欬元而愈此腸胃有風冷也胃風湯兼服煖藥亦佳

又有一種脾泄瀉服泰山老李炙肝散而愈乃白芷白朮白芍藥桔梗四味也

醫餘

### 痢有赤白

凡人患痢不問赤白脉小身涼者易安脉大身熱者難差患痢未有不腹痛者皆緣有積也暑積及熱積多患赤痢冷積多患白痢亦有腸胃

人年記夫多下

日

長

有風而患赤痢者有冷熱不調而患赤白痢者暑積痢可用黃連阿膠元綿煎散加滑石白痢可用駐車元感應元之類冷熱不調用戊己元巴豆元子之類綿煎散入滑石治赤痢極有功又有豆飲子加減亦有功治諸般痢用之每有效官局靈砂丹亦甚奇此數藥自夏及秋皆不可闕也

同上

### 嬰粟治痢

治痢以嬰粟古方未聞今人所用雖其法小異

而皆有奇功或用數顆慢火炙黃爲末米飲下  
或去粟用殼如上法或以殼五七枚甘草一寸  
半生半炙大碗水煎取半碗溫溫呷蜀人山叟  
曰用殼并去核鼠查子各數枚焙乾末之飲下  
尤治噤口痢泊宅編

### 車前止暴下

歐陽文忠公常得暴下國醫不能愈夫人云市  
人有此藥三文一貼甚效公曰吾輩臟腑與市  
人不同不可服夫人使以國醫藥雜進之一服  
而愈召賣藥者厚遺之求其方乃肯傳但用車  
前子一味爲末米飲下二錢匕云此藥利水道  
而不動氣水道利則清濁分穀臟自止矣良方

### 薑茶治痢

憲宗賜馬摠治瀉痢腹痛方以生薑和皮切碎  
如粟米用一大盞并草茶相等煎服之元祐二  
年文潞公得此疾百藥不效而予傳此方而愈

同上

### 二藥治痢

鄂渚有統制王存病痢幾年無休無息骨立垂死逢道人令煎四物湯下駐車圓每服一百粒初服此藥減半併服之不數日頓愈

近世養生方

### 治臟腑

肉豆蔻剉作甕子入通明乳香少許復以末塞之不盡即用麩和少許裹豆蔻煨焦黃爲度三物皆碾末仍以茶末對烹之

大全集

### 半夏益脾止瀉

半夏今人惟知去痰不言益脾蓋能分水故也

既見卷末步下

下

卷

脾惡濕濕則濡而困困則不能制水經曰濕勝則瀉一男子夜數如廁或教以生薑一兩碎之半夏湯洗與大棗各三十枚水一升甕瓶中慢火燒爲熟水時時呷數日便已

### 乳煎葦撥治氣痢

獨異志唐貞觀中張寶藏爲金吾長上嘗因下直歸櫟陽路逢少年畋獵割鮮野食倚樹嘆曰張寶藏身年七十未嘗得一食酒肉如此者可悲哉傍有僧指曰六十日內官登三品何足歎



也言訖不見寶藏異之即時還京師時太宗苦於氣痢衆醫不效即下詔問殿廷左右有能治此疾者當重賞之寶藏曾困其疾即具疏以乳煎葦撥方上服之立差宣下宰臣與五品官魏證難之逾月不進擬上疾復發問左右曰吾前飲乳煎葦撥有功復命進之一啜又平因思曰嘗令與進方人五品官不見除授何也證懼曰奉詔之際未知文武二吏上怒曰治得宰相不妨已授三品官我天子也豈不及汝耶乃厲聲曰與三品文官授鴻臚卿時正六十日矣其方每服用牛乳半升葦撥三錢匕同煎減半空腹頓服

良方

### 臟腑秘澀

老人臟腑不可用大黃老人津液少所以秘澀更服大黃以瀉之津液皆去定須再秘甚於前只可服寬潤大腸之藥如養生必用方二仁元是也更用槐花末煎湯淋洗亦妙風藥燥腸又有一種風秘者當用檳榔七聖元雖有大黃

斟酌服之勿令瀉可也又有婦人產後大便秘  
須四五日六七日不通者出血已多津液少也  
濃煎紫蘇湯飲一兩盞自通更一日不通服局  
方大麻仁元三十元醫餘

### 腸胃流熱

腸胃流熱則糞門暴腫用蝸牛細研塗之則消  
腸風痔疾

### 痔腸風臟毒

痔腸風臟毒一體病也極難得藥亦緣所以致

外科集卷第六

疾不同雖良藥若非對病固難一槩取效常人  
酒色飲食不節臟腑下血是謂風毒若釋子輩  
患此多應飽食又坐體氣不舒而得之乃脾毒  
也王渙之知舒州下血不止郡人朝議大夫陳  
宜父令其四時取其方栢葉如春取東枝之類  
燒灰調二錢服而愈予得方後官贛上以治貳  
車吳令昇亦即效提點司屬官陳逸大夫偶來  
問疾吳倅告以用陳公之方而獲安陳君蹙頰  
曰先人也仍須用反栢為佳道場慧禪師曰若

釋子恐難用此不若灼艾最妙平直量骨脊與  
臍平處椎上灸七壯或年深更於椎骨兩傍各  
一寸灸如上數無不除根者又予外兄劉向爲  
嚴掾予過之留飲訝其瘦瘠問之荅曰去歲臟  
毒作凡半月自分必死得一藥服之至今無苦  
問何藥不肯言再三扣始言只這卓子上有之  
乃是乾柿燒灰飲下二錢本草曰柿治腸癖解  
熱毒消宿血有病者宜求之素問腸癖爲痔  
宅泊

編

### 腸風下血

人患腸風下血者何也人腸皆有脂裹之厚則  
腸實而安腸中本無血血緣有風或有熱以消  
其脂腸遂薄滲入身中血初患者必服冷藥而  
愈服之過當則腸寒而脂愈不生其血必再作  
凡熱者其血鮮冷者其血青黑察其冷熱用藥  
可也

醫餘

### 酒利

有人日逐飲酒遂成酒利骨立不食但飲酒一

兩盞利作幾年矣因與香茸元一兩服遂止蓋  
麝能治酒毒

### 臟毒下血

洛陽一女子年四十六七耽飲無度多食魚蟹  
攝理之方蔑如也後以飲啖過常蓄毒在臟日  
夜二三十謁大便與膿血雜下大腸連肛門痛  
不堪任醫以止血痢藥不效又以腸風藥則益  
甚蓋腸風則有血而無膿凡如此已半年餘氣  
血漸弱食漸減肌肉漸瘦稍服熱藥則腹愈痛

醫說卷第六

十

血愈下服稍涼藥則泄注氣羸粥愈減服溫平  
藥則病不知將暮歲醫告術窮垂命待盡或有  
人教服人參散病家亦不敢主當謾與服之才  
一服知二服減三服膿血皆定自此不十服其  
疾遂愈後問其方云治大腸風虛飲酒過度挾  
熱下痢膿血疼痛多日不差枳根白皮人參各  
一兩為末二錢匕空心溫酒調下飲酒以溫米  
飲代忌油膩濕麵青菜果子甜物雞魚蒜等

行義

### 脫血

臂多青脉曰脫血尺脉緩濇謂之解休安卧脉盛謂之脫血卧久傷氣也

癰疽

服石發疽

齊王侍醫遂病自煉五石服之臣意往過之遂請意曰不肖有病幸診遂也臣意即診之告曰公病中熱論曰中熱不溲者不可服五石石之爲藥精悍公服之不得數溲亟勿服色將發癰遂曰扁鵲曰陰石以治陰病陽石以治陽病夫

齊王侍醫

二

澄

藥石者有陰陽水火之齊故中熱即爲陰石柔齊治之中寒即爲陽石剛齊治之臣意曰公所論遠矣扁鵲雖言若是然必審診處度量立規矩稱權衡合色脉表裏有餘不足順逆之法參其人動靜與息相應乃可以論論曰陽疾處內陰形應外者不加悍藥及鏡石夫悍藥入中則邪氣辟矣而宛氣愈深診法曰二陰應外一陽接內者不可以剛藥剛藥入則動陽陰病益衰陽病益著邪氣流行爲重困於俞

始喻反

忿發爲

疽意告之後百餘日果為疽發乳上入闕盆死  
此謂論之大體也必有經紀拙工有一不習文  
理陰陽失矣史記

### 病疽

齊侍御史成自言病頭痛臣意診其脉曰君之  
病惡不可言之即出獨告成弟曰此病疽也內  
發於腸胃之間後五日當癢腫後八日嘔膿死  
成之病得之飲酒且內成即如期死所以知成  
之病者臣意切其脉得肝氣肝氣濁而靜此內

醫記卷第六

十一

於

關之病也脉法曰脉長而弦不得代四時者其  
病主在於肝和即經主病也代則絡脉有過經  
主病和者其病得之筋髓裏其代絕而脉責者  
病得之酒且內所以知其後五日而癢腫八日  
嘔膿死者切其脉時少陽初代代者經病病去  
過人人則去絡脉主病當其時少陽初關一分  
故中熱而膿未發也及五分則至少陽之界與肝  
心相去五分故及八日則嘔膿死故上二分而  
曰五日盡也膿發至界而癢腫盡泚而死熱上則熏陽明爛

流絡流絡動則脉結發脉結發則爛解故絡交  
熱氣已上行至頭而動故頭痛史記

### 治背瘡

京師人司仲因言里人父患背瘡若負火炭晝  
夜呼叫其子泣於途遇道人曰子何憂之深也  
告之道人曰子當求不耕之地遇野人糞為蟲  
鳥所殘即以杖去其糞取其下土篩而傳之乃  
如其言用之立愈父曰豈以冰著吾背耶吾五  
臟俱寒矣編類

### 治喉癰

楊立之自黃府通判歸楚州喉間生癰既腫潰  
而膿血流注曉夕不止寢食俱廢醫者束手適  
楊吉老來赴郡守招立之兩子走往邀之至熟  
視良久曰不須看脉已得之矣然此疾甚異須  
先啖生薑片一斤乃可投藥否則無法也語畢  
即出子有難色曰喉中潰膿痛楚豈食生薑立  
之曰吉老醫術通神其言不妄試取一二片嚼  
我如不能進則屏去無害遂食之初時殊為甘

香稍復加益至半斤許痛處已寬滿一斤始覺  
味辛辣膿血頓盡粥餌入口了無滯礙明日招  
吉老謝而問之對曰君官南方多食鷓鴣此禽  
好啖半夏久而毒發故以薑製之今病源已清  
無服他藥予記唐小說載崔魏公暴亡醫梁新  
診之曰中食毒僕曰常好食竹雞梁曰竹雞多  
食半夏苗蓋其毒也命換生薑汁折齒灌之遂  
復活甚與此相類

類說

### 治癰疽

醫記卷第六

一四

疥

房州虞候張進本北方人因送還郡守逢道人  
買酒與飲得其治癰疽方寄居文錄曹子病背  
瘡醫不能療聞進有此技試呼之進元無手訣  
但以成藥塗傅未旬日而愈張子溫五歲兒生  
瘡於鬢邊繼又發於腦後證候可憂亦以付進  
凡所用皆一種不過三夕二者皆平溫與之錢  
而問之進不復有隱謹以告但擇阿膠透徹者  
一兩水半升煎令消然後入號丹一兩慢火再  
熬數數攪均俟三五沸乃取出攤令極冷貯於



瓶罌中如用時以毛掃布瘡四面而露其口如瘡未成則遍塗腫處良久自消切勿犯手更無他法雖一切惡瘡皆可傳治不特癰疽也同上

### 治癰疽方

歙丞胡權在都下遇異人授以治癰疽內托散方曰吾此藥能令未成者速散已成者速潰敗膿自出無用手擠惡肉自去不假刀砭服之之後痛苦頓減其法用人參當歸黃芪各二兩芎藭防風厚朴桔梗白芷甘草各半之皆細末別入桂末一兩令均每以三五錢熱酒調服以多為妙不能飲者木香湯調然不若酒服為奇

### 療癰毒

向友正元仲之子也淳熙八年為江陵支使攝公安令癰發於脅臆間拯療半歲弗愈嘗浴罷痛甚委頓而卧似夢非夢見一丈夫微揖而坐傳藥方與之曰用沒藥瓜蒌乳香三味酒煎服之且言桃源許軫知縣亦有此方但不用瓜蒌若用速效宜服此友正敬謝即如所戒不終劑

而愈後詣玉泉禱雨瞻壽亭關王像蓋所感夢者因繪事于家

類編

### 發背無補法

諺云背無好瘡但生於正中者爲真發背虞奕侍郎背中生小瘡不悞只以藥調補數日不疼不痒又不滋蔓疑之呼外醫灸二百壯已無及此公平生不服藥一年來唯覺時時手脚心熱疾作既不早治又服補藥何可久也

泊定編

### 結癰

醫說卷第六

十一

五臟不和則九竅不通六腑不和則留結爲癰

### 預療背疽

揚州名醫楊吉老其術甚著某郡一士人狀若有疾厭厭不聊莫能名其何等痛苦往謁之楊曰君熱證已極氣血消鑠且盡自此三年當以背疽死不可爲也士人不樂而退聞茅山觀中一道士於醫術通神但不肯以技自名未必爲人致力士人心計交切乃衣僮僕之服詣山拜之願執薪水之役於席下道士喜留寘弟子中

誨以讀經晝夜祇事左右頤旨如意歷兩月久  
覺其與常隸別呼扣所從來始再拜謝過以實  
白之道士笑曰世間那有醫不得底病汝試以  
脉示我纔診脉又笑曰汝便可下山吾亦無藥  
與汝但日日買好梨喫一顆如生梨已盡則取  
乾者炮湯飲之仍食其滓此疾自當平士人歸  
謹如其戒經一歲復往揚州楊醫見之驚其顏  
兒腴澤脉息和平謂之曰君必遇異人不然豈  
有痊安之理士人以告楊立具衣冠焚香望茅  
山設拜蓋自咎其學之未至也北瑣夢言載醫  
者趙鄂云一朝士疾危只有一法請刺喫消梨  
不限多少如咀嚼不及換汁而飲或希萬一用  
其言遂愈此意正同

類編

### 雲母膏愈腸癰

楊介吉老者泗州人以醫術聞四方有儒生李  
氏子棄業願娶其女以授其學執子壻禮甚恭  
吉老盡以精微告之一日有靈璧縣富家婦有  
疾遣人邀李生以往李初視脉云腸胃間有所

苦耶婦曰腸中痛不可忍而大便從小便中出醫者皆以謂無此證不可治故欲屈君子李曰試爲籌之若姑服我之藥三日當有瘳不然非某所知也下小元子數十粒煎黃芪湯下之富家依其言下膿血數升而愈富家大喜贈錢五十萬置酒而問之曰始切脉時覺芤脉現於腸部王叔和脉訣云寸芤積血在胃中關內逢芤腸裏癰此癰生腸內所以致然所服者乃雲母膏爲元爾切脉至此可以言醫矣李後以醫科

及第至博士李植元秀即其從子也

王仲言餘話

### 釘疽

張嗣伯嘗聞屋中呻吟聲嗣伯曰此病甚重乃往視之見一老姥稱體痛而處處有黯黑無數嗣伯還煮斗餘湯送令服之服訖痛勢愈甚跳投床者無數須臾所黯處皆拔出釘長寸許以膏塗瘡口三日而復云此名釘疽也

史記

### 癰瘡

唐李勣嘗疾醫診之云得鬚灰服之方止太宗

遂自翦鬚燒灰賜服之復令傅癰瘡立愈故白樂天云翦鬚燒藥賜功臣 仁宗皇帝賜呂夷簡古人有語鬚可治疾今朕翦鬚與之合藥表朕意也

脚氣

脚氣痞絕

唐柳柳州纂救死三方云元和十二年二月得乾脚氣夜半痞絕左脅有塊大如石且死因大寒不知人三日家人號哭榮陽鄭洵美傳杉木

卷之六十五

十九

是

湯服半食頃大下三次氣通塊散用杉木節一大升橘葉一升無葉以皮代大腹檳榔七箇合子碎之童子小便三大升共煮一升半分二服若一服得快利停後服已前三死皆死矣會有教者皆得不死恐他人不幸有類予病故傳焉

本方

脚氣無補法

脚氣乃風毒在內不可不攻故先當瀉之

脚心如中箭

道士王裕曰有忽患脚心如中箭發歇不時此  
腎之風毒瀉腎愈

泊宅編  
同上

### 脚氣

今人謂之脚氣者黃帝所謂緩風溫痺也千金  
云頑弱名緩風疼痛為溫痺

### 治閉結并脚氣

饒醫熊彥誠年五十五歲病前後便溲不通五  
日腹脹如鼓同輩環視皆不能措力與西湖妙  
果僧慧月相善遣信邀致訣別月驚馳而往過

醫說卷第六

二十

長

釣橋逢一異客風姿瀟洒出塵揖之曰方外高  
士何子子走趨如此月曰一善友父患閉結勢  
不可療急欲往問客曰此易事也待奉施一藥  
即脫靴入水探一大螺而出曰事濟矣持抵其  
家以鹽半匕和殼生搗碎置病者臍下一寸三  
分用寬帛緊繫之仍辨觸器以須其通月未深  
以為然姑異謝之熊昏不知人妻子聚泣諸醫  
知無他策謾使試之曾未安席若然暴下醫愧  
歎而散月歸訪異人無所見矣熊後十六年乃

終白石董守約以脚氣攻注爲苦或教之搥數  
螺傳兩股上便覺冷氣趨下至足既而亦安

類編

### 附船愈脚氣病

顧安中廣德軍人父患脚氣筋急腿腫行履不  
得因至湖州附船中有一袋物爲腿酸痛遂將  
腿閣袋上微覺不痛及筋寬而不急乃問梢人  
袋中何物應曰宣瓜自此脚氣頓愈

名醫錄

### 脚臂

有人病兩脚臂不能行舉詣佗佗望見云已飽

外紀卷之六十五

三

七

針灸服藥矣不須復看脉便使解衣點背數十  
處相去或一寸或五寸縱邪不相當言灸此各  
十壯灸創愈即行後灸處夾脊一寸上下行端  
直均調如引繩也

漢書華佗傳

### 旋復根汁能續筋

筋斷復續者取旋復根絞取汁以筋相對取汁  
塗而封之即相續如故蜀兒如逃走多刻筋以  
此續之百不失一

漏

時康祖心漏

時康祖大夫患心漏二十年當曾數竅血液長流屢訪名醫皆云不可治或云竅多則愈損閉則慮穴他歧當存其一二猶爲上策坐此形神勤瘁又積苦腰痛行則偃僂不飲酒雖雞魚蟹蛤之屬亦皆不向口淳熙四年通判温州郡守韓子溫見而憐之爲檢聖惠方載腰痛一門冷熱二證示之使自擇康祖報曰康祖年老久羸安敢以爲熱始作寒冷治療取一方用鹿茸者

服之踰旬痛減仍覺氣宇和暢遂一意專服悉屏他藥泊月餘腰屈復伸無復呼痛心漏亦愈以告醫者皆不能測其所以然後九年康祖自鎮江通判滿秩造朝訪子溫則精力倍昔飲饌無所忌步履輕捷云漏愈之後日勝一日子溫書吏吳汝弼亦苦是疾使就求藥服之旬有二日而差其方本只治腰痛用鹿茸去毛酥炙微黃附子炮去皮臍皆二兩鹽花三分爲末棗肉元三十元空心酒下



鱧魚覆漏

馬提刑記醫先祖忠肅公天聖中以工部尚書知濠州家有媪病漏蓋十餘年一日老兵掃庭下且言前數日過市有醫自遠來道瘡漏可治特頃刻之力耳媪曰吾更醫多矣不信也其黨有以白忠肅公者即爲召醫視之曰可治無疑須活鱧一竹針五七枚醫乃擲鱧於地鱧困屈盤就盤以竹針貫之覆瘡良久取視有白蟲數十如針著鱧醫即銚置杯中蠕動如線復覆

之又得十餘枚如是五六醫者曰蟲固未盡然其餘皆小蟲竟請以常用藥傳之時家所有擯擲黃連爲散傳之醫未始用藥明日可以乾艾作湯投白礬末三二錢洗瘡然後傳藥蓋老人血氣冷必假艾力以佐陽而艾性亦能殺蟲也如是者再即生肌不一月當愈既而如其言醫曰瘡一月不治則有蟲蟲能蠕動氣血亦隨之故瘡漏不可遽合則結痛實蟲所爲又曰人每有疾經月不痊則必憊虛勞婦人則補脾血小

兒則防驚疳二廣則并治瘡癩醫無名於世而治疾有效亦良醫也又其言有理故併錄之

方良

### 鱧漏

有人脚肚上生一瘡久遂成漏凡經二年百藥不效自度必死一村人見之云此鱧漏耳但以石灰二三升百沸湯泡薰洗如覺瘡痒即是也病者如其言用灰湯淋洗果痒竟用此洗不三兩次遂乾

### 蟻漏

有婦人項下忽生一塊腫漸緣至妳上腫起莫知何病偶用刀刺破出清水一碗日久瘡不合有道人見之曰此蟻漏爾緣喫飯悞食蟻得此詢婦人云當來喫飯時羣蟻緣飯上逐之用湯泡喫往往有死蟻在中不覺食之道人云此易治但用穿山甲數片燒存性爲末傳瘡上遂愈蓋蟻畏穿山甲故也

### 犬齧瘤得針

處士蒯亮言其所知額角患瘤醫爲剖之得一

黑石碁子巨斧擊之終不傷缺復有足脛生瘤者因至親家爲獠犬所齧正齧其瘤其中得針百餘枚皆可用疾亦愈

稽神錄

### 灸鼠漏

柳休祖者善卜筮其妻病鼠瘤積年不差垂命休祖遂卜得頤之復按卦合得姓石人治之當獲鼠而愈也既而鄉里有奴姓石能治此病遂灸頭上三處覺佳俄有一鼠逕前而伏呼犬咋之視鼠頭有三灸處妻遂差

拾遺記

### 李生虱瘤

浮梁李生得背痒疾隱起如覆孟無所痛苦唯奇痒不可忍飲食日以削無能識其爲何病醫者秦德立見之曰此虱瘤也吾能治之取藥傳其上又塗一綿帶繞其圍經夕瘤破出虱斗許皆蠢蠕能行動即日體輕但一小竅如箸端不合時時虱涌出不勝計竟死予記唐小說載賈魏公鎮滑臺日州民病此魏公云世間無藥可療唯千年木梳燒灰及黃龍浴水乃能治爾正

與此同

腫瘦

病腫

先痛而後腫氣傷形也先腫而後痛形傷氣也  
風勝則動熱勝則腫燥勝則乾寒勝則浮濕勝  
則濡

腫

釋名曰腫鍾也寒熱氣所鍾聚也

太平御覽

陰腫如升

醫心方卷第六

卷第六

中

治男子陰腫大如升核痛人所不能治者擣馬  
鞭草塗之

小兒陰腫

小兒陰囊忽虛腫痛以生甘草調地龍糞輕輕  
塗之

小兒熱毒遊腫

破草鞋人亂髮燒灰醋和傳治熱毒遊腫本草

婦人陰腫堅硬

用枳實半斤碎炒令熟故帛裹熨冷則易之同上

脚腫

有男子六十一歲脚腫生瘡忽食猪肉不安醫以藥利之稍愈時出外中風汗出後頭面暴腫起紫黑色多睡耳輪上有浮泡小瘡黃汁出乃與小續命湯加羌活一倍煎服之遂愈

本草新義

背腫

楊愔患背腫馬嗣明以鍊石塗之便差鍊石法以麤黃色石如鵝鴨卵大猛火燒令赤內醇醋中自有石屑落頻燒至石盡屑曝乾搗篩醋和

醫部本第六

二十七

信

塗腫上無不愈

傳腫

仁宗在東宮苦腮腫用赤小豆末傳之遂愈或

云可療發背

洞微志

癭

說文曰癭頸瘤也典術曰服食天門冬治癭除

百病

太平御覽

井錫鎮癭

汝州人多病頸癭彼境地饒風沙沙入井中飲

其水則生癭故金房間人家井以錫為井欄皆以夾錫錢鎮之或沉錫其中則飲者免此患華亭有一老僧昔行脚河南管下寺僧僮僕無一不病癭時有洛僧共寮每食取携行苔脯同餐經數月僧項贅盡消若未嘗病寺僕嘆訝乃知海岸鹹物能除是疾

癭志

中毒

### 中仙茅附子毒

鄭長卿資政說少時隨父太宰官懷州一將官

林氏

卷六

服仙茅遇毒舌脹出口漸大與肩齊善醫環視不能治一醫獨曰尚可救少緩無及矣取小刀斲其舌隨破隨合斲至百數始有血一點許醫喜曰無害也舌應時消縮小即命煮大黃朴消數椀連服之并以藥末摻舌上遂愈又蓋諒郎中說其兄誥因感疾醫盧生勸服附子酒每生切大附二兩浸以斗酒旦起輒飲一盃服之二十年後再為陝西漕使諒自太學歸過之南樂縣拉同行中途曉寒誥飲一盃竟復令温半盃

比酒至自覺微醉乃與妻使飲行數里妻頭腫如斗脣裂血流下駐路傍呼隨行李職醫告之李使黑豆菜豆各數合生嚼之且煎湯併飲至曉腫始消詵仍服之不輟到長安數月失明遂致仕時方四十二歲

### 中蕈毒

崇寧間蘇州天平山白雲寺五僧行山間得蕈一叢甚大摘而煮食之至夜發吐三人急採鴛鴦草生啖遂愈二人不甚肯啖吐至死此草藤

得龍草詩云

三九

後

蔓而生對開黃白花傍水依山處皆有之治癰疽腫毒尤妙或服或傳皆可今人謂之金銀花又曰老翁須本草名為忍冬並出己志

### 中鱧鼈蝦蛛毒

頃有一士人好食鱧魚及鼈與蝦蛛嘗云此三物不可殺大者有毒殺人蝦蛛小者亦令人小便祕臍下蔽疼有至死者宜以生豉一大合投新汲水半碗浸令豉水濃頓服之即差

茅亭客話

### 中豆腐毒

人有好食豆腐因中其毒醫治不效偶更醫醫  
至中途適見做豆腐人家夫婦相爭因問之云  
今早做豆腐妻悞將蘿蔔湯置腐鍋中今豆腐  
更就不成蓋腐畏蘿蔔也醫得其說至病家凡  
用湯使率以蘿蔔煎湯或調或嚙病者遂愈

### 諸果有毒

諸果有毒桃杏雙仁有毒五月食未成核果令  
人發癰疽瘡及寒熱又秋夏果落地為惡蟲緣  
食之令人患九漏桃花食之令人患淋李仁不

可和雞子食患內結不消

本草  
衍義

### 中斑鳩毒

浙人王夫人忽日面上生黑斑數點日久滿面  
俱黑遍求醫治不效忽遇一草澤醫云夫人中  
食毒爾某治之一月平復後覓其方止用生薑  
一斤切碎研汁將滓焙乾却用薑汁煮糊元問  
其故云夫人日食斑鳩蓋此物日嘗食半夏苗  
是以中其毒故用薑以解之

名醫  
錄

### 中蜈蚣毒



有中蜈蚣毒者以烏雞屎水調塗咬處大蒜塗亦效又畏蛤蚧不敢過所行之路觸其身即蜈蚣死故取以治蜈蚣毒桑汁白鹽塗亦效

本草衍義

### 藥反中毒

治諸藥相反中毒用蠶退燒灰細研一錢冷水調下頻服取效雖面青脉絕腹脹吐血服之即活

### 中魚毒

虞侍郎蘇州人平生喜食生魚鱠中年病腹堅

醫記卷第六

三十一

倒身不得每發疼痛幾死累治不效一善醫切脉曰侍郎右關脉伏伏為積聚有生冷之積成癥在腹則疼不可忍可以藥取之令用橄欖汁吞元子藥數粒晚下利一盆許是魚鱠縷前一截皆成魚矣從此遂安

名醫錄

### 中蒿菜毒

王舜求云蒿菜出尚國有毒百蟲不敢近蛇虺過其下誤觸之則目瞑不見物人有中其毒者唯生薑汁解之

遜齋閑覽

魚枕遇蠱毒

南海魚有石首者蓋魚枕也取其石治以為器可載飲食如遇蠱毒器必爆裂其效甚著福唐人製作尤精人但玩其色而鮮能識其用上同

中酒毒

飲酒中毒經日不醒者用黑豆一升煮取汁溫服一小盞不過三服即愈今人謂之中酒是也

服食反  
慎方

天蛇毒

醫書卷第六

三

十

太子中允關杞曾提舉廣南西路常平倉行部  
邕管一吏人為蟲所毒舉身潰爛有一醫言能  
治使視之曰此為天蛇所螫疾已深不可為也  
乃以藥傳其創有腫起處以鉗拔之有物如蛇  
凡取十餘條而疾不起又予家祖塋在錢塘西  
溪嘗有一田家忽病癩通身潰爛號呼欲絕西  
溪寺僧識之曰此天蛇毒爾非癩也取木皮煮  
飲一斗許令其恣飲初日疾減半兩三日頓愈  
驗其木乃今之秦皮也然不知天蛇何物或云

草間黃花蜘蛛是也人遭其螫仍爲露水所濡  
乃成此疾露涉者亦當戒也

筆談

### 中挑生毒

興化人陳可大知肇慶府肋下忽腫起如生癰  
癩狀頃刻間其大如盃識者云此中挑生毒也  
俟五更以菜豆細嚼試若香甜則是已而果然  
乃搗川升麻爲細末取冷熟水調二大錢連服  
之遂洞下瀉出生葱數莖根鬚皆具腫即消縮  
煎平胃散調補且食白粥後亦無它又雷州民

外紀人言六

三十一

康財妻爲蠻巫林公榮用雞肉挑生值商人楊  
一者善醫療與藥服之才食頃吐積肉一塊剖  
開筋膜中有生肉存已成雞形頭尾鬚翅悉肖  
似康訴于州州捕林置獄而呼楊生今具疾證  
用藥其略云凡喫魚肉瓜果湯茶皆可挑初中  
毒覺胃腹稍痛明日漸加攪刺滿十日則物生  
能動騰上則胃痛沉下則腹痛積以瘦悴此其  
候也在上鬲則取之其法用熱茶一甌投膽礬  
半錢於中候礬化盡通口呷服良久以雞翎探

喉中即吐出毒物在下鬲即瀉之以米飲下鬱  
金末二錢毒即瀉下乃擇人參白朮各半兩礮  
末同無灰酒半升納瓶內慢火熬半日許度酒  
熟取溫溫服之日一盞五日乃止然後飲酒如  
其故

丁志

### 誤飲蛇交水

陳齋郎湖州安吉人因步春渴掬澗水兩口嚥  
之數日覺心腹微痛日久疼甚服藥無效醫診  
之云心脾受毒今心脉損甚齋郎荅云去年步  
春渴飲澗水得此醫云齋郎喫却蛇交水蛇在  
澗邊遺下不淨在澗水內蛇已成形在齋郎腹  
中食其心而痛也遂以水調雄黃服下果下赤  
蛇數條皆能走也

名醫錄

### 中蜘蛛毒

治蜘蛛咬一身生絲羊乳一物飲之貞元十年  
崔貞外從質云目擊有人被蜘蛛咬腹大如孕  
婦其家棄之乞食於道有僧遇之教飲羊乳未  
幾日而平

草本

中山雞鷓鴣毒

南唐相馮延巳苦腦中痛累日不減太醫令吳廷紹密詰廚人曰相公平日嗜何等物對曰多食山雞鷓鴣廷紹曰吾得之矣投以甘豆湯而愈蓋山雞鷓鴣皆食烏頭半夏故以此解其毒

出南唐書

中石斑魚子毒

誤喫石斑魚子吐不止者取魚尾草研汁服少

許立止

魚尾草又名攪木根形似黃荆八月間開紫花成穗葉似水楊無大樹經冬不

醫說卷第六

三十五

良

淵漁人用以藥魚

地漿治菌毒

四明温台間山谷多生菌然種類不一食之間有中毒往往至殺人者蓋蛇毒氣所薰蒸也有僧教掘地以冷水攪之令濁少頃取飲皆得全活此方見本草陶隱居注謂之地漿亦治楓樹菌食之笑不止俗言食笑菌者居山間不可不知此法

解毒

解蠱毒呪并方

頃有朝官與一高僧西遊道由歸峽程頓荒遠日過中餒甚抵小村舍聞其家畜蠱而勢必就食去住未判僧曰吾有神呪可無憂也食至僧閉目誦持俄見小蜘蛛延緣盤吻僧曰速殺之於是竟食無所損其呪曰姑蘇啄摩耶啄吾知蠱毒生四角父是穹窿窮母是舍耶女眷屬百萬千吾今悉知汝摩訶薩摩訶是時同行者競傳其本所至無恙別傳解毒方用豆豉七粒巴

第六

三六

豆去皮二粒入百草一處研細水元菘豈大以茅香湯吞下七丸又泉州一僧治金蚕毒云才覺中毒先吮白礬味甘而不次嚼黑豆不腥者是也但取石榴根皮煎汁飲之即吐出活虫無不愈者李晦之云以白礬茶芽搗為末冷水服凡一切毒皆可治併載于此以貽後人

辛志

解砒毒

凡人誤食生砒唯單生油以吐為度則其毒氣自消不能為害

治蠱毒

嘉祐中范吏部道為福州守日揭一方於石云  
凡中蠱毒無論年代遠近但取煮一鴨卵揀銀  
釵於內吞併之約一食頃取視釵卵俱黑即中  
毒也其方用五倍子二兩流黃末壹錢甘草三  
寸一半炮出火毒一半生木香丁香麝香各十  
文輕粉三文糯米三十粒其八味瓶內水十分  
煎取七候藥面皺皮為熟絹濾去渣通口服病  
人平正仰卧令頭高覺腹中有物衝心者三只  
不得動若出以盆桶盛之如魚鱗之類乃是惡  
物吐罷飲茶一盞瀉亦無妨旋煮白粥補忌生  
冷油膩酢醬十日後服解毒丸三兩九經旬平  
復丁木麝之香價嘉祐中十文今言之數倍乃  
可爾

解毒藥

王仲禮嗜酒壯歲時瘡瘡發於鼻延於頰心甚  
惡之服藥弗效僧法滿使服何首烏元當用二  
斤適墳僕識藏草藥乃掘得之其法忌犯鉄器但



入砂鉢中藉黑豆蒸熟既成香味可人念所蒸  
水必能去風澄以額面初覺極熱漸加不仁至  
晚大腫眉目耳鼻渾然無別望之者莫不驚畏  
王之母高氏曰凡人感風癩非一日積吾兒過  
毒何至於是吾聞生姜汁赤小豆能解毒山豆  
根黑蚌粉能消腫亟命僕搗揆姜汁以三味為  
末調付之中夜腫退到曉如初蓋先採何首烏  
擇馬太精為狼毒雜其中以至此撓也同上

### 解毒

醫說卷第六

三六

凡中藥毒及一切諸毒從酒得者難治言酒性  
行諸血脉流遍身體也因食得者易治言食與  
藥俱入於胃胃能容雜毒又逐大便泄出毒氣  
毒氣未流於血脉故易愈也解諸食毒爛嚼生  
甘草燻之則毒自吐

錄錄

### 蟹解毒

乾道五年襄陽有劫盜當死而特旨貸命黥配  
者州牧慮其復為人害既受刑又以生漆塗其  
兩眼囚行到荊州已盲不見物寄禁長林縣獄



以待傳送適有村叟以事在獄中憐而語之曰  
汝明日去時倩防送者往蒙泉石灰石尋蟹搗碎  
之瀝汁滴眼內添當隨汁流散瘡亦愈矣如其  
言訪得一小蟹用之留三日而行目睛如初畧  
無小損予妹婿朱晞顏時以當陽尉攝邑令親  
見之西志

### 蟹能解藥毒

名醫言虛中藥箭食清泥野猪中筋廼蕒苞而  
食雞雜被鷹傷以地黃葉貼之又礬石可以害鼠

醫說卷第六

手九入

張鷟曾試之鼠中如醉亦不識人知取泥汁飲  
之須臾平復鳥獸虫物猶知解毒何況人手被  
鼠中者以甲虫末付之

### 蛛為蜂螫

處士劉易隱居王屋山常於齋中見一大蜂背  
於蛛網蛛搏之為蜂所螫墜地俄頃蛛敲腹破  
裂徐徐行入草啣芋梗微破處磨之良久腹漸  
消輕躁如故後人為蜂所螫接芋梗付之立愈

### 寶靈丹

往時川蜀喜行毒而成成都故事歲以天中重陽  
時開大慈寺多聚人物出百貨其間有名藥世  
者於是有於窓隙間呼貨藥一聲識其高亟投  
以千錢乃從窓隙度藥一粒號解毒元或一粒  
可救一人命夫迹既叵測故時多疑出於神僊  
政和間

祐陵以仁聖惠天下嘗只上清寶錄宮之前新  
作兩亭左曰仁濟主給藥治疾苦右曰輔正主  
符水除邪惡鬼因遂詔海內凡藥之治病彰彰有

醫說卷之六

四

聲者悉素其方書而上之焉是成都守成鑒司  
奉命相共窮其狀乃得售解毒元家蓋世之懼  
行毒者為讎害故匿其迹非有所謂神僊者既  
據方脩治得其法只并藥奏御下敕中省上曰  
朕自弛天子所服御以濟元元母煩有司也由  
是敕中省辟醫諸醫驗其方則王氏博濟方則  
之寶靈丹尔當是時猶子行適領殿中監事故  
獨得其詳吾洛南來用是藥常救病人食胡蔓  
草毒得不死蓋不可不書

百衲居士鐵

醫說卷之六



